

## Kaiserschmarrn

Von Herbert Nemeč

hia und do, so dann und wann  
mach i mir a ganze Pfann  
weil da Gusta is so mächtig  
nach an Schmoarrn, so golden-prächtig  
gott sei Dank is der net teuer  
also nimm i drei vier Eier  
und dazua a guates Mehl  
so a Schmoarrn, der geht ja schnell

Kaiserschmoarrn, Kaiserschmoarrn  
tats min Zucker nur net spoarn  
auf den bin i ganz versessen  
jeden Tag kunt i den essen  
Kaiserschmoarrn, Kaiserschmoarrn  
an den hab i mei Herz verlorn

Milch und Mehl und Eigelb rian  
a Rosinen sollt ma gspian  
ausn Eiklar schlagst an Schnee  
mitn Zucker, waßt as eh  
dann den Schnee schee unterheben  
bis verteilt san de Zibeben  
backst as aus in bester Butter  
so hab is glernt von meiner Mutter

Kaiserschmoarrn, Kaiserschmoarrn.....

Min Vanillezucker-Strara  
schmeckt da Schmoarrn ja no vü rara  
und a Glück is wann ma hot  
a Glasl mit Marillnkompott  
de Kalorienbombe tuat  
da Figur grad net a Guat  
doch da Schmarrn is owa gö  
da reinste Balsam fia de Sö

Kaiserschmoarrn, Kaiserschmoarrn.....

